



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

Parisiis, 1644

XLV. Epistola Agapiti Episcopi, Ad Leonem Imperatorem. Domino Christo amabili atque victori Leoni, Agapitus misericordia Dei Christi episcopus vestræ Rhodi.

urn:nbn:de:hbz:466:1-14887

ANNO
CHRISTE
431.

Stephanus episcopus Limyrenus, similiter.
 Eudoxius episcopus Acalandenus, similiter.
 Leontius episcopus Araxenus, similiter.
 Andreas episcopus Tloæorum, similiter.
 Nicolaus episcopus Acrassenus, similiter.
 Athanasius episcopus Xanthenfis, similiter.
 Hypatius episcopus Sidymensis, similiter.
 Pannitius episcopus Ascandenus, similiter.
 Anatolius episcopus Olympiensis, similiter.
 Cyrinus episcopus Oeneandenus, similiter.
 Nicolaus episcopus Gaunenus, similiter.
 Aquilinus episcopus Padullenus, similiter.
 Nicolaus episcopus Balburenus, similiter.
 Aristodemus episcopus Phafelitanus, similiter.
 Eustathius presbyter subscripsi pro Theodoro episcopo Antiphel-
 lensi, & manibus dolente.
 Carporus presbyter subscripsi in loco Palladii episcopi Corydalla-
 ni, similiter.
 Gelasius presbyter subscripsi in loco Romani episcopi Bunensis
 ciuitatis, similiter.
 Nicolaus archidiaconus subscripsi in loco Heliodori episcopi Na-
 rensis, similiter.
 Timasius presbyter subscripsi in loco Leontii episcopi Calindeni,
 similiter.

XLV.

EPISTOLA

AGAPITI EPISCOPI,
 AD LEONEM IMPERATOREM.

*Domino Christo amabili atque victori Leoni, Agapitus miseri-
 cordia Dei Christi episcopus vestræ Rhodi.*

DESUPER scepra regni suscipiens, sacratissime & in-
 ducitissime principum, pro munere vestræ pietati
 collato, Deum caelestem regem primitiis decentibus ho-
 norastis. Prima enim oblatio & acceptabile sacrificium est,
 vt auriga mundi & princeps totius orbis qui sub sole con-
 sistit, adoranda Trinitatis fidem seruet incolumem, &
 doceat ex his quæ facit & colit, timere & homines Deum,
 & talia sectari, per quæ nostrum seruetur genus, & cogi-
 tare pro communi republica & totius populi disciplina:
 quatenus optima causa pacis & nomen vbique præcellat
 & vigeat, & non instar bestiarum contra suum genus ho-
 mines singuli rabiem feritatis exerceant. His itaque bonis

Concil. Tom. 9.

V u ij

& aliis multiplicibus dudum & nunc per vestrum imperium constitutum diuinitus perfruentes, omnes oramus innumeris vos conseruari temporibus, (vere namque sacerdos & natura imperator existis;) sed & omne genus humanum Deo conuenit supplicare pro imperii vestri longæuitate. Nam in principiis vestræ serenitatis imperii, tantam barbarorum multitudinem manu dextera subiugastis, & nimis importabilem destruxistis, vt perpetuum erigeretis trophæum in omni orbe terrarum, & altam pacem toto præberetis in mundo. Nihilo minus autem & nunc pro humano genere cogitatis, saluberrimas has literas & vtiles animarum sacerdotibus destinantes, his quibus ligare & soluere peccata concessum est, communionis sacræ sollicitudinem committentes. Quapropter corroborati piarum vestræ serenitatis auctoritate literarum, ad hoc responsum confidentes accessimus, supplicantes Deo & vestræ serenitatis imperio, vt nostras humiles voces dignemini placanter accipere, & si quid tamquam idiotæ paululum delinquimus, veniam condonare. Sacræ siquidem & incomparabiles vestræ syllabæ potestatis, & mala quæ incredibiliter Alexandria prouenerunt, & Timothei gesta pessima declararunt, qui, sicut aiunt preces oblatae pietati vestræ a quibusdam Dei amantissimis episcopis Ægyptiacæ diœcesis, auctor tanti sceleris esse dignoscitur. Super hæc autem & ea quæ satisfactores Timothei fieri postulant, nostræ paruitati manifesta sunt. Iussistis itaque considerare Concilium vestræ prouinciæ insularum, quid sentiat de sancto & vniuersali Calchedonenfi Concilio. Et mihi quidem fuit optabile & nimis vtilissimum, secundum vestræ pietatis iussionem cum omnibus episcopis nostræ prouinciæ præbere responsum. Sed quoniam euocatio quidem & ante susceptionem sacrarum pietatis vestræ literarum, & rursus postquam susceptæ sunt a me, festinanter effecta est; sed hiemalis temporis qualitas, sicut pietas vestra prospicit, eos venire ad metropolim non permisit, dum tribus millibus aut quatuor millibus stadiorum quidam abesse videantur: necessarium fuit, ne quod impedimentum fieret Eudoxio viro deuoto magistriano, præcepti pietatis vestræ ministro, ad reliqua responsa prouinciarum & com-

ANNO
CHRISTI
451.ANNO
CHRISTI
451.

missa, vt velociter meam sententiam facerem manifestam. Hoc enim ipse videlicet magistrianus compulsi adimplere. Gravior itaque gratia Dei ad narrationem capitulorum presentium, atque probationem hereticam, qua possum. Memoratus enim Timotheus si talis esse paruerit, qualem eum oblata preces vestrae pietati a Deiamantissimis Aegyptiacae dioecesis episcopis atque clericis esse declarauerunt, non solum inter episcopos siue clericos, sed neque inter fideles laicos iuste constituendus est, qui & piorum Canonum disciplinam vastauit, & Romanam rempublicam confusione compleuit. Verumtamen quoniam imperialis lex & ecclesiasticarum sanctionum consequentia custoditur, si placet, hoc supplico, vt vocetur accusatus sacro vestrae pietatis edicto: quatenus in presenti conuinci possit coram vestris auribus quae circumueniri non possunt, aut coram sancta Synodo, quae pro qualitate temporis in ciuitate regia poterit inueniri; si tamen placuerit potestati vestrae: & ita dignam suorum actuum suscipiat ultionem. Si vero (quod non credo) in tantis & talibus criminibus accusatus, diuinae iussioni vestrae obedire noluerit, nec ad proprium dominum ita pium mansuetumque principem concurrere festinabit, non solum ab ordine sacerdotii, sed & a Deo simul & principe & cunctis hominibus, sicut reus, erit abiiciendus. De sancto siquidem vniuersali Concilio Calchedone imperiali sanctione collecto, ad confirmationem quidem atque cautelam orthodoxae & catholicae fidei, & damnationem atque destructionem prauitatis Eutybianae, quid dicamus, quando per omnia concordem sensum intemeratae fidei a trecentis decem & octo patribus qui in Nicaea Christi gratia conuenerunt, & patrum Calchedone conuenientium reperimus? Non enim aliud quidquam praeter illam immobilem & fundatam rectae fidei expositionem eos decreuisse, nec aliquod augmentum aut detractionem in symbolo sancto fecisse cognouimus: ob quam rem & pene omnes occidentalium partium Deo amabiles episcopi consentientes sibi met, & pariter decernente sanctissimo atque beatissimo Leone Romanae urbis archiepiscopo, literis propriis & oris sui confessione, ea quae ab ipsis sanctis patribus Calchedone collectis interpretata

feu explanata sunt de Domini nostri Iesu Christi incarnatione, confirmauerunt atque consignauerunt. Vnde vestram pietatem suppliciter exoramus, vt dum vna sit dominatio Patris & Filii & Spiritus sancti, & eiusdem fidei vniuscuiusque baptismatis, & nos vnum atque idem sapiamus, & in vna sancta & consubstantiali & adoranda Trinitate baptizati sumus, sicut & Dominus noster Deus & saluator Iesus Christus sanctis discipulis suis iniunxit: pacem quidem & nunc sanctis ecclesiis conferatis, & retinaculum ori apponatis haeretico, quod indisciplinabile eorum & inobedibilem arceat intellectum. Non enim ad ecclesiarum aedificationem, sed ad destructionem simplicium populorum, contentiones excitare noscuntur. Hæc itaque a mea paruitate mediocriter, vt potui, dicta sunt: tu vero domine Christo amabilis atque laudabilis, cuius potestas & virtus in manu Domini est, quod tibi reuelauerit Deus, & in tuo corde fuerit consuete locutus, hoc in omnibus sancire dignare. Nouimus enim & credimus, quoniam qui te vnxit in regem Iesus Christus Deus & saluator noster, ipse tibi sicut Dauid & Danieli suam sapientiam condonauit, ad robur quidem & augmentum sanctarum Christi ecclesiarum, & ad aedificationem atque constantiam fidelium populorum. Quæ tamen acta fuerint apud consacerdotes in Concilio apud nos celebrando secundum sacram vestram & adorabilem sanctionem, post non multum vestræ pietati declarabuntur.

Ego Agapitus episcopus Rhodiorum, orans Dominum incolam valere, & longo sæculo conseruari Christo amabile vestræ serenitatis imperium, manu mea subscripsi.

XLVI.

EPISTOLA IULIANI EPISCOPI

COENSIS, AD LEONEM IMPERATOREM.

Piissimo atque fidelissimo victori atque triumphatori Leoni, principi semper Augusto, Iulianus humilis episcopus Coensis.

EGO, domine Christo amabilis imperator, illam sapientissimam monitionem mente percipiens, qua dictum est, Cognosce te metipsum, volui taciturnitate quiescere, & maiorum patrum iudicium sustinere. Non enim euo-